

## — 400 —

zen heiligen gesworn vnd gelopt, da der vorgenanten drier stetten gewissen botten ze gegene sint, dñ verbuntnisse stette ze habende, vnd ze vollesfürende in alle die wise, als si geschehen ist, ane alle geuerde. Dvch sullen wir bi denselben vnsern eiden, nieman an vnser stat setzen, noch enhein vesten, so wir inne hant enphelhen, sū swerent denne zen heiligen, were daz vnser deweder abegienge oder verkert wurde, daz sū die vestinen, so sū inne hant, nüt von in lassent noch deheinem nūwen amptman antwurten, er habe ovch denne vorgelobt vnd gesworn, disū verbuntnisse ze vollesfürende, als ovch wir die vorgenanten amptlute nu getan hant. Were ovch, daz vnser deweder deheineft vom lande wurde varn, wele wir denne an vnser stat setzen, die sullen ovch dis verbuntnisse sweren stete ze hande, vnd sich verbinden aller der dingen, so wir vns verbunden hant. Vnd hant die ovch wol macht, die vorgenanten drie stette ze manende, vnd die stette sū hinwider. Aber wir die vorgenanten meistere, die rete vnd die burgere gemeinlich, der obgenanten drier stette, Strasburg, Basel vnd Friburg, sint hin wider gebunden, der vorgenanten vnser herschaft von Oesterich vnd iren amptluten ze ratende vnd ze helfende, ovch hinnant zwo dem vorgenanten sant Johanstag ze sungisten, vnd dannanthin über fünf ganze jar die nehsten ane vnderlasse, in disen ziln die hienach bescheiden sint, also wurdent sū, ir lande, ir lute oder güter von ieman wer der weri angriffen oder geschediget, vnd die vorgenanten amptlute bede oder einre, oder der an ir stat weri, erkanten vf den eit, daz si billig darvmb ze manende hetten vnd in vnrecht beschehen weri, vnd vns die vorgenanten stette vnd rete alle oder etlich vnder vns, die der sache, darvmb denne die manunge geschehe, aller haff gesessen werent, mantent mit ir erbern gewissen botten oder mit briesen, so sullen wir, die denne gemant sint, als fürderlich vnd nützlich, ane alles verziehen inen ze helff komen, als wir bi vnsern eiden erkennenent, daz es vns erlich si, vnd in nützlich, vnd als ob es vns selben angienge, ane alle geuerde. Wurdent ovch wir, die egenanten drie stette, von den vorgenanten ampt-